

BE.299. DEBATA DO MANGGOMGOMI (G=1)

=====

B.E. 299. DEBATA DO MANGGOMGOMI

1. Debata do manggomgomi Langit dohot tanoon
Haholomon digomgomi Dohot hatiuron on
Dirajai tanganNa i Nasa na tinompa i.
2. Sai hupuji ma goarMu Ala niramotanMi
Tondi dohot pamatangku Sonang au na borngin i
Nandang na saut tinahi ni Musungki sibolis i.
3. Sai padao ma sian ahu Saluhutna dosangki
Ai marhaporusan ahu Tu bugangMu Jesuski
I do pangondinganki Maradophon rimasMi.
4. Sai sungguli ma tondingku Asa hehe dohot i
Jala haringkothononku Hangoluan sogot i
Asa unang ariMi Manonggoti rohangki.
5. Togu au ale Tuhanku Mangihuthon hataMi
Sai pature ma langkangku Asa tung hasea i
Sai ramoti ma au on Asa sonang rohangkon.
6. Tondi dohot pamatangku Roha dohot gogongki
Hupasahat tu tanganMu Debata na sangap i
Jangkon au naposoMon Ai di Ho hian au on.
7. Dokkon surusuruanMu Manundati tahi ni
Na mangago dompak ahu Asa bulus langkangki
Jala usungonna pe Au tu lambungMi muse.